

Date – 01/07/2025

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

- Mizorama pawl pali ten Mizoram kawngpui pawimawh Kolasib atanga Sairang inkar chu siamthat thuai anih loh chuan mipuite hnatlanga an chhuah mai a ngaih tur thu an sawi.
- Co-Operation Minister Pu PC Vanlalruata’n Ek Ped Maa Ke Naam pualin vawiin khan Aizawl Thuampaia Mulco Complex- ah thing tiak a phun.
- Sorkarin Part Time Asst. Professor mi 29 a chhawr chhunzawm zelna tur Notification Order MSU Gen Hq hruaituten vawiin khan an hal.
- Vawiin Doctors Day pualin Indian Medical Association, Mizoram State Branch chuan hrisel nan taksa che tam a, ke a kal tam turin mipuite a chah.

<><><>

NH 06

Mizorama pawl pali ten Mizoram kawngpui pawimawh Kolasib atanga Sairang inkar chu Mizoram mipuite tana pawimawh anih avangin sawrkarin rang taka hma a la lo anih chuan mipuite hnatlanga an chhuah mai a ngaih tur thu an sawi.

Pawl pali te hi Mizoram Transformation Movement (MTM), Centre For Environment And Social Justice (CESJ), Mizoram First (MF) leh Citizen Alliance For Truth And Justice (CATAJ) te hian vawiin khan Aizawl Press Club ah chanchinbu mite kawmin Kolasib atanga Sairang inkar kawng chu zawh hlehtheihloh khawpa chhia anih avang leh motor tlu leh tang an awm thin thu sawiin chak lakna kawngpui pawimawh tak anih avangin sawrkar chu a rang lama hma la turin an phut tih an sawi a ni.

Mizoram Transformation Movement President Dr Lalbiakmawia Ngente chuan National Highway 06 package 8 Kawnpui atanga Khamrang inkar kawng chu vawiin thleng enkawl ala nih loh thu a sawi a, kumin June ni 30-a PWD Minister Pu Vanlalhlana’n helai kawng enkawl hna chu Mizoram PWD mawphurhna a ni lo anga a sawi chu thudik lo a ni tih sawiin mipuite rilru hruai kawi nan a he thu hi sawi ah

pawl pali te chuan an ngaih thu leh helai hmun hi Mizoram PWD enkawl lai ngei a nih thu an sawi bawk.

(Desk)

<><><>

MAMIT ALL NGO

Mamit all NGO, Joint VC, all Party leh MJA te chuan Mamit district hospital complex atanga Dialysis khawl lak a nih loh nan vawiin atang khan Mamit District hospital-a Dialysis khawl dahna building an veng.

All NGO Coordination Coommittee hruaituten kan corr an hrilh danin Dialysis khawl pahnih Champhai hospital-a lakchhuah tumna a duhloh chungchang thuchhuah an siam hnu lawkah NHM chuan thuchhuah siam ve nghalin Champhai a Dialysis khawl lakchhoh tumna hi kaltlang pui an tum tih a lan avangin duty an in siam tih an sawi a, he khawl dahna kawtah CCTV an dah thu sawiin heti chung a lakchhuah luih a nih chuan engpawh thleng se Mamit mipui leh All NGO Coordinatiion chuan mawh a phur dawn lo a ni tih an sawi bawk. Mamit sub hq YMA President Pu Vanlalchhuanga Chhangte thusawi lo ngaithla ang.

(BYTE)

Mamit District Hospital Dialysis khawl sawn chungchangah hian National Health Mission, Mission Director chuan nimin khan thuchhuah siamin a sawifiah a, CSR kaltlanga Mamit tana khawl pali an dawnte hi a petuten din nghal an duh a, amaherawhchu Mamit-ah building peihfel a la ni lova, hmundang peihfel sa, Serchhip leh Champhai District ah te dah mai ni se, Mamit tan hian a dang dil leh zawk ni se an ti a ni.

(RD Darthanzauva Mamit PTC)

<><><>

EK PED MAA KE NAAM

Co-Operation Minister Pu PC Vanlalruata’n Ek Ped Maa Ke Naam pualin vawiin khan Aizawl Thuampaia Mulco Complex- ah thing tiak a phun.

International Year of Cooperatives 2025 puala Ek Ped Maa Ke Naam (Nu puala thing tiak phun beihpui thlak) ah hian Pu PC Vanlalruata chuan thing phun pawimawhzia sawiin hemi tihlawhtling tura Co-operation Department te, Co-operative Society leh Federation-te hmalakna chu fakawm a tih thu a sawi a. Khawvel nuam zawk leh boruak tha zawk siam chu Co-operative thil tum pawimawh tak a nih thu sawiin UNO pawhin a ngai pawimawh hle a, kum 2025 pawh International Year of Cooperatives tia a puan hial thu a sawi. Mizoramah pawh Co-operative Movement tih hmasawn nan tan lak tlan a pawimawh a ti a, he International Year of Cooperatives pual hian thing phun mai ni lo, thisen pek runpui emaw, eizawнна miten an neih theihna tur thil emaw, thalai tam zawkte cho chhuak tur thil tha dang eng emaw ti chhuak zel tura ngaihtuahna seng zel turin Co-operative hruaitute chu a fuih bawk.

<><><>

EMMY’s AWARD

Information and Public Relation Minister Dr Vanlalhlana’n Khawvela Journalism chawimawina ropui Emmy Awards dawngtu Akashvani Aizawl News Editor pahnih te chawimawina thuziak a hlan.

June ni 26-a khawvela Journalism chawimawina ropui Emmy Awards dawngtu BBC team-a Mizo hming lang pahnih hi Akashvani Aizawl Editor pahnih HC Vanlalruata leh Isaac Zoramsanga te an ni a, I&PR Minister hian vawiin khan chawimawina thuziak leh lawmpuina pawisa fai a hlan a ni.

I&PR Minister chuan Akashvani Editor pahnihte hnathawh chu chhuanawm atih thu a sawi a, Mizoram tan mellung pawimawh tak a ni a, rampum huap anga Mizo hming ti tha tu anni a ti. Mizoram tana theihtawp chhuah zel tura chahin chanchinbumi dangte tan chona nasa tak siamtu anih thu a sawi a, hmarchhak biala lawmman la thei hmasa ber annih thu sawiin khawvel huapa chawimawina ah Mizo hming an tih that avangin a lawm takzet tih a sawi bawk.

Byte : I&PR Minister

Pu HC Vanlalruata leh Isaac Zoramsanga hian an hnathawh dan sawiin ni 10 chhunga BBC team nen an hun hman dan bakah tualchhung mi te nen an thawhho dan an sawi a, I&PR Department Secretary Pi Betsy Zothanpari Sailo leh Director Pu Lalnunkima te bakah MJA hotuten lawmpuina thu an sawi bawk.

AIR Editor pahnihte hian tunhnaia sem chhuah Emmy Awards-ah 'Myanmar’s Civil War' tih thupui hmanga BBC in an buatsaih short-form documentary hian National Academy of Television Arts & Sciences (NATAS)-in News & Documentary Emmy Awards, vawi 46-na a buatsaihah Outstanding Continuing News Coverage – Short Form category-ah award an dawng a ni.

(Desk)



FORMER AIR ANNOUNCER DEMISE

All India Radio Announcer (Grade I) Pi Lalhmerliani Fanai , tukina Greenwood Hospital-ah Cancer natna avanga thi chu vawiin chawhnu khan vuiliam a ni a, kum 71 mi niin a thi.

Pi Lalhmerliani Fanai hi kum 1975 atanga kum 2013 inkar khan All India Radio ah thawkin Announcer a ni thin a, Mizoram atanga Announcer Grade – 1 awm chhun a ni.

Pi Lalhmerliani Fanai hian a fanu 1 a kalsan a ni.

(Desk)



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.



MSU

Sorkarin Part Time Asst. Professor mi 29 a chhawr chhunzawm zelnat Notification Order a tihchhuah te chuan an qualify tawklo tia sawiin MSU Gen Hq hruaitute chuan Higher & Technical Education Directorate Office kawtah an duhlohna lantir nan order an hal.

Part Time Asst. Professor sawrkarin a rawih mekte hi Nikum August ni 9 khan kumin February ni 28 thleng chhawr chhunzawmna lehkha lo tichhuak tawhin chutah chuan hemi tum bak hi pawhsei sak an ni lo ang tih chiang takin a ziak a, amaherawhchu an zawm ta lo tih MSU President B. Lalkhawngaihzuala chuan a sawi.

MSU President chuan Zirna tha siam tumin Zirtirtu Qualify lo te sawrkar in an ruai reng chu hriatthiam har an tih thu a sawi a. Zirtirtt Qualify lo ten zirna an pek theihna tur atana sawrkar in “Humanitarian Ground” tia a chhawr hi “Humanitarian Ground chhuanlama langsar taka Dan bawhchhiatna a ni” a ti.

Hemi chungchang hi, Press Conference hman mai bakah Vawi tamtak Education Minister hnenah an thlen tawh tih MSU President chuan a sawi a, Chief Minister hnenah an thlen tawh bawka ti a ni. MSU hian Director hmu leh nghalin tun thla ni 6 ral hmaa MSU ngenna hi ngaih pawimawh anih loh chuan zirlai ten zirtirna tha an dawn theihnan Qualify ngei zirtirtu an duh thu Aizawl khawpuiah kawngzawh in tlangaupaina neih an tum tih an sawi a. Kawngzawh hian awmzia a neihloh pawhin a tawp thlenga hmala zel turin ruahmana an siam a ni, an ti.

(PR)



HANDHOLDING

Mizoram State Policy Coordination Committee (MSPCC) an Vice Chairman Pu KC Lalmalsawmzauba hova vawiina thukhawm chuan Commerce & Industries Department hnuaia Bana Kaih (Handholding) Scheme hnuaia loan dilna te enho in, dilna 25 an pawm. Heti hian Bana Kaih Implementing Department hrang hrang a dilna lut zawng zawng atangin MSPCC chuan dilna 613 a pawm tawh a ni.

Heng dilna lut te hi a luhna (concerned) Department in uluk taka a enfiah a, diltute nen inbia a, a hmunah te an finfiah hnu ah thlifim in, Department committee, Minister ho a thu chuan MSPCC in a pawm turin a thehlut a.

MSPCC in heng dilna lo lut te hi lo thlangchhuak lehin, Partner Bank te kutah a thawh leh thin a ni. Partner Bank te hian dilna an dawn atangin Loan la tur awm te

hnenah loan hi an pe dawn a ni. Bana Kaih Scheme a dilna enfiah leh thlitfim hna hi a la kal mek zel a ni.

(DIPR)

<><><>

DOCTORS DAY

Vawiin hian ram pumah Doctors Day hman a ni a, India rama Medical Doctor te ni bik anih angin Mizoram ah pawh Indian Medical Association (IMA), Mizoram State Branch chuan mi a hrisel zawk nan taksa che tam a, ke a kal tam turin mipuite a chah.

IMA, Mizoram State Branch chuan he ni hi infuih thar nan te, hriselna lam hawia inzirtir nan te an hmang thin a. Kumin Doctors Day thupui chu "Behind the Mask: Caring for Caregivers" a ni. Tugin khan IMA chuan MINECO ah Walkathon program an hmang a, IMA member engemaw zatin hriselna lam hawia inzirtirnan ke in an kal a ni.

Natna tam tak hi taksa sawizawi ngunin a veng thei a, natna tam tak a ti ziaawm thei bawk a, a tidam thei bawk an ti a ni.

(DESK)

<><><>